



10713

東坡集卷之三六

制勅

姚居簡押木檄上京酌獎轉三班借職

勅姚居簡不煩民力而辦官事會其所運罕所失亡可

賈種民知漢陽軍呂升卿通判海州

勅賈種民等天下有道士知分義流品清濁各有攸處如種民升

卿亦不汝棄往服寵命益祗厥官可

張世矩再任鎮戎軍

勅具官張世矩高平故地夷漢雜處啓以夏政疆以戎索惟威與

東坡集卷三六

制勅

信並行德與法相濟則種落內附民安其生以爾習知邊情克有

武畧賦政之美歷年於茲夫已信之民易治已練之兵易使無改

乃舊益觀厥成可

劉誼知韶州

勅具官劉誼汝昔爲使者親見民病盡言而不諱厄窮而不悔夫

豈知有今日之報乎孔子曰巧言令色鮮矣仁夫能爲厥敘養遠

民惠鮮饑寡者必剛毅不回之士也往服厥官益信汝言可

呂惠卿責授建寧軍節度副使本州安置不得簽書公事

勅元兇在位民不莫居司寇失刑士有異論稍正滔天之罪永爲





垂世之規具官呂惠卿以斗筭之才挾芽齋之智諂事宰輔同升  
廟堂樂禍而貪功好兵而喜殺以聚斂爲仁義以法律爲詩書首  
建青苗次行助役均輸之政自同商賈手實之禍下及雞豚苟可  
蠹國以害民率皆攘臂而稱首先皇帝求賢若不及從善如轉圜  
始以帝堯之心姑試伯鯨終然孔子之聖不信宰予發其宿姦譴  
之輔郡尚疑改過稍畀重權循陳罔上之言繼有碭山之貶反覆  
教戒惡心不悛躁輕矯誣德音猶在始與知己其爲欺君喜則摩  
足以相歡怒則反目以相噬運起大獄發其私書黨與交攻幾半  
天下姦賊狼籍橫彼江東至其復用之年始倡西戎之隙妄出新  
意變亂舊章力引狂生之謀圖至永洛之禍輿言及此流涕何追  
迨予踐祚之初首發安邊之詔假我號令成汝詐謀不圖渙汗之  
文止爲欵賊之具迷國不道從古罕聞尚寬爾觀之誅薄示三危  
之竄國有常典朕不敢私可

許懋秘閣校理知福州

敕許懋七閩之會其民智巧吏得其人則摩然心服不勞而治不  
得其人則紛然力爭雖勞不服以爾賦政東南民用不擾旣久而  
信厥聲藹然肆余命爾長茲劇郡夫身在江海之上而職在魏闕  
之下民之瞻望顧不美歟可



喬執中兩浙運副張安上提刑

勅喬執中等夫以卹刑之道達之於主計則非聚斂之臣以牧民之意推之於卹刑則非文法之吏以爾執中奉使東南吏服其明民懷其惠以爾安上賦政毗陵寬而有制嚴而不殘是以命爾各祗厥服夫民新脫賦泉之幣以從力役之征其謹視貪吏以無害我成法可

宇文昌齡吏部郎祝庶刑部郎

勅昌齡等古以人物掌選而士不濫進以經術斷獄而民無怨言何修何飾而至此今吾一之以格律而不免於異議何哉昌齡以

東坡集卷三十六

制勅

三

儒學進有聞於人庶以世家用能宿其業勉思古人以稱朕意可

江東提刑侯利建可江東轉運副使福建運判孫奕可福建

路轉運副使新差權發遣鄭州傅燮可江東提刑知常州張

安上可兩浙提刑朝請郎劉士彥可福建轉運判官

勅具官某等朕姑罷賦泉之令復徭役之法使民出力以事其上  
不責其所無者幾以富之閔閔焉如農夫之望歲也而差發之際  
吏或緣而爲姦農民在官貪者動心焉若郡縣御胥吏不嚴而監  
司察郡上不謹則南畝之民不困於縣官而困於吏其與幾何爾  
以治行達於朕聽或已試之效或近臣之薦必能明誠朕意以保



民察吏爲本謹視其廉貪仁暴勤惰明闇以詔賞罰朕亦將觀汝所爲而進退焉可

奉議王續知太康縣

勅王續朕以天下爲一家然畿甸之民號爲根本若近者不悅四方何觀焉爾以才選往服厥事馭吏以明保民以寬無失朕命可  
新差通判齊州張琬可衛尉寺丞衛尉丞韓敦立可通判齊

州

勅具官某等朕於士大夫苟便其私而無害於公者蓋未嘗不聽矧以養親爲詞而求易地固朕之所樂聞也往服厥職各祗乃事

東坡集卷三十六 制勅

四

可。

兩浙運副喬執中可吏部郎

勅具官喬執中士知愛身則知愛君知馭民則知馭吏故端靜惠和之士施之內外無適不宜朕察汝久矣今自部使者入爲天官屬無易其守以稱朕命可

供備庫使蘇子元可權知新州

勅具官蘇子元嗚呼交趾之變蘇氏之禍十年於此矣朕念之不  
衰哀忘而愍存不忍以常法待汝畀之一郡以勸事君敬之哉思  
所以致此者可不敬歟可

楊傑落待制知黃州崔台符王孝先谷降一官台符知相州  
孝先知濮州

勅國家臨御百年哀矜庶獄好生惡殺視民如傷六聖一心簡在上帝而市井無賴譖愬公行若廷尉治獄不苟秋官議法有守則仁聖在上姦宄自消豈有數年之間坐致萬人之禍死者不復誰任其辜且官楊傑等以患失鄙夫之心而竊乘君子之器欲與羣小其分告織之功專務巧詆以成疑似之罪試加覆視寃狀了然公議不容彈章交上聊從附下之罰少謝無辜之民服我寬恩益務循省台符改服我下云往莅安陽兼修馬政勉思來效母重往

東坡集卷三十六

制勅

五

愆司

趙高摩勘轉朝議大夫

初趙充國馮奉世名臣也而老於爲將萇師德郭元振儒者也而樂於守邊蓋疆場未寧則以外爲重而忠義所激不擇地而安且官趙高少以宏材輔之博學虛心大對方觀龜董之文推轂西陲遂膺羊陸之寄恩威並著戎夏又安論歲月以稍遷姑從舊典收功名於不世勉及前人可

趙思明知永靜軍

勅具官趙思明武吏之進以守

扞城爲高選而戍壘之政以乎



徭決獄爲餘事汝以財用往分使符知高選之未易得而餘事之不可忽則寡過矣可

鮮于侁大理卿

勅具官鮮于侁儒者耻爲文吏而廷尉不用仁人久矣流弊之末王於誦法而不知義附勢而不知法罔羅紛張延及無辜朕益厭之爾德惟一信道不回雖古于張何以遠適是以命爾庶幾天下復無冤民不然者朕豈以刑獄之事累老成哉可

吳處厚知漢陽軍買種民知通利軍

勅具官某等漢口黎陽控引江河久廢爲色吏民不悅比詔有司

東坡集卷三十六

制勅

六

修復故壘因舊而新務適厥中平徭均賦使民宜之明致朕意以慰父老可

顧臨直龍圖閣河東轉運使唐義問河北轉運副使

勅具官某朕修賦役之法黜聚斂之吏去薄從忠務以養民而寬厚之弊或至於媮夫外臺接事以不失有罪爲稱職若下有幸免之吏則必有不幸之民民困於吏則歸咎吾法朕甚憂之太原之民困於邊備使者之任不輕付予以爾儒林之選號稱秀傑有能吏之才而不薄有長者之風而不媮其服新職以莅一道勅唐義問云趙魏之地被邊帶河使者之任匪人可予以爾直諫之節世



其家聲豈弟之心不忽民事必能深識朕意以肅吏靖民爲本往  
任其責以寬吾憂可

張問祕書監

勅具官張問汝策各三朝宣力四方既有聞矣而篤老之年克已  
復禮稱道不亂朕聞而嘉之起之鄉閭列之朝會闕國故事與民  
瘁苦足矣不必勞以事也優游吾東觀以爲士大夫之表可

范子奇將作監

勅具官范子奇夫以百工之事較之一路之民爲輕而自部刺史  
入居九卿爲重爾久在外服奔走之勞按視之勤亦少休乎令宮

東坡集卷三十六

制勅

七

室器用皆有常法守之勿失可以寡過若予子工毋廢厥職可

錢長卿比部郎鄧義叔水部郎

勅具官某等昔漢郎官出宰百里今日監郡以上乃與其選任益  
重矣非獨爲官求人以濟無窮之務亦將爲國儲士以須不次之  
舉雖會計溝洫有司之一事而馭吏捍災朕將有取焉可

林邵太僕丞何瓌鴻臚丞

勅具官某等爾向以才選出按常平之政官省而歸復使治民蓋  
將因能而任焉九寺之屬近在輦轂才之所宜易以聞達毋曠厥

官朕不汝遺可



文保雍將作監丞

勅具官文保雍朕仰成元老如涉得舟待以求濟苟有以燕安之使樂從吾游而忘其老朕無愛焉大匠之屬未足以盡汝才也而從政之餘遂及爾私並事君親豈不休哉

李南公知滄州穆珣知廬州王子韶知壽州趙揚知潤州

勅具官某等刺史秩六百石以按列郡而治行卓然乃以二千石爲郡守昔以責人者今以自責則物被其惠民無間言爾等皆嘗奉使督察官吏公明之稱達於朕聽董勗江淮控臨河海任亦重矣其益勉之無使風采減於平昔可

東坡集卷三十六

制勅

高公繪公紀並防禦使

勅鄧訓之德益活千人叔向之功尚有十世矧先王却狄之勲而聖亡負晨之託子孫賢者休戚同之具官某性於忠孝文以禮樂襲故家仁厚之風蹈布衣恭儉之節以爾父士林早緣肺腑逮事厚陵没于中年爵不配德故推餘澤以及後昆抱能未施當俟可爲之會臨寵而懼庶保無疆之休可

李之純戶部侍郎

勅保國猶保身藥石不如養氣御民猶御馬鞭箠不如輕車故興利以富民不如省事而民自富廣求以豐國不如節用而國自豐



朕嘉與庶工共行此志以爾具官李之純屢試以事號稱循良雖  
爲有司不吝出納宜膺躡等之用庶無虛受之譏服我訓詞以厭  
公議可

穆衍金部員外郎

勅具官穆衍士能用其長以自表見者朕未嘗不試也要之必觀  
其始終然後能決其進退在此選者可不勉歟貨幣之入所以權  
輕重通有無而非以燕富也往服朕訓以永終譽可

孫路陝西運判

勅具官孫路關右之民困役傷財譬之七年之病而求三年之艾

東坡集卷三十六

制勅

九

朕日夜以思庶幾其民勇而知方以爾出入秦雍悉其利病往行  
所知以稱朕意可

蘇頌刑部尚書

朕聞帝堯之世伯夷以三禮折民西漢之隆仲舒以春秋決獄是  
知有道之士必以無訟爲功乃者法病於煩官失其守盜賊多有  
獄市紛紛敷求迪哲之人以清流弊之末具官蘇頌溫文而毅直  
亮不回仲由冉求果藝有從政之美子產叔向愛直得太古之遺  
遭罹閔凶亦旣祥禫特詔虛位以待老成與其遂會閔之私哀願  
懷墳墓曷若蹈威綽之前軌顯揚君親佇聞嘉猷以對休命可



王公儀夔州路轉運使程 向夔州路轉運判官

勅具官某等設法旣復民知息肩矣然在官者皆農末也三峽之民刀耕火耜與鹿豕雜居正賴良使者察其侵冤使政煩而吏貪者此等豈能遠訴乎朕以大臣薦故擢用汝若遠民無告非獨汝咎薦者可不勉哉可

呂由庚太常寺太祝

勅呂由庚先皇帝有賢執法朕不及見也思其人行其言用其平生所予者猶以爲未足也而錄其子嗚呼亦可以識朕意也夫詩云惟其有之是以似之汝勉之矣朕不汝忘可

東坡集卷三十六

制勅

十

杜訢衛尉少卿鍾離景伯少府少監

勅具官某等朕登進耆老崇德以靖民敷求雋良養材以待用非更練有素不輕用其人以爾訢久服官箴善守家法以爾景伯旣敏而藝有聞於時皆吾四世之良往服九卿之貳益固爾守將觀厥成可

辛押陀羅歸德將軍

勅具官辛押陀羅天日之光下被草木雖在幽遠靡不照臨以爾嘗詣闕庭躬陳琛幣開導種落歲致楸航願自比於內臣得均被於濡澤祗服新寵益思盡忠可



高子壽三班借職

勅高子壽程力較績國有舊章命以一官勉思自效可

李肩可殿中省尚藥奉御直翰林醫官

勅具官李肩醫雖一技蓋通妙物之神法有衆科以助好生之德故廢好爵用勸良能無忘三世之傳庶保十全之效可

耿政可東頭供奉官致仕

勅具官耿政肇新需澤覃及庶工雖請老以家居亦先朝之逮事各從遷秩以寵歸休可

喬執中可朝請郎尚書吏部郎中

東坡集卷三十六制勅

十一

勅喬執中漢以郎官出宰百里今以郡守選屬列曹任人之隆於古爲重有司言爾資格當遷其卽正員以茂遠業可

李之純可集賢殿修撰河北都轉運使

勅乃者役錢貸息之弊民兵馬政之勞萃于北方天不靖民河溢爲災老幼奔走流離道路十年於此矣嗚呼其孰爲朕勞來安集使復其舊乎以爾具官李之純治辦之能嘗見於用忠厚之質不移於勢是用進登書殿增重使指其往撫疲瘵之俗察貪暴之吏無縱詭隨以謹無良朕將酌民言以觀汝政可不勉歟可

呂大臨太學博士



勅具官呂大臨太學禮義之所從出也不擇人以爲法而恃法以爲治可乎漢之郭太符融唐之陽城韓愈士皆靡然化之其賢於法遠矣朕方詔有司疏理學政而近侍之臣言汝可用必能於法禁之外使士有所愧而不爲乃稱朕意可

羅適知開封縣程之邵知祥符縣

勅羅適等赤縣之衆甚於劇郡五方豪傑之林百賈盜賊之淵蓋自平時號爲難治而況市易始去逋負尚繁役法初復農民未信以爾適學行純固有卹民之心以爾之邵才力强敏無媮安之意各服乃事以觀其能不患不已知求爲可知者可

東坡集卷三十一

制勅

十一

杜純刑部員外郎

勅杜純用法如權衡權可以輕重移而衡不可以毫髮欺故司冠之職必有守道之長貳而輔之以守官之僚屬汝昔爲士師秉節不回獨持正義以直羣枉往服厥官無易汝守以不忍之心行無心之法則予汝嘉可

劉霆知陳留縣

勅具官劉霆縣劇而難治故有司難於用人地近而易知故才者樂於自用臨政以簡決獄以明御吏以嚴去盜以武能此四者孰

不汝知可



皇伯仲曄贈保寧軍節度使東陽郡王

勅祖宗之德天地並隆施及子孫皆享民社勝衣有朝請之奉闕  
棺有茅土之封始終之間哀榮斯極具官仁曄寬厚寡過雍容有  
常生不動於父師沒見思於姻族既得考終之道可無追遠之恩  
豹尾神旗守臣之威命金璽整綬諸侯之寵章服我龍光以賁寵  
愛可

杜紘右司郎中

勅具官杜紘一歷都司卽踐清要非一時名勝不在此選爾以文  
無害而宿其業往服乃事益茂厥德以稱朕命可

東坡集卷三十六

制勅

三

皇城使裴景知慈州莊宅副使郭逢知階州西京左藏庫副

使王克詢知順安軍

勅具官某等朕銓擇將吏視其才力彊敏可任以事者必試之治  
民苟不知愛民奉法馭吏而戢姦雖智勇有聞朕無取焉爾等皆  
以考績察廉號稱明練薦者交章故在此選往服厥官無失朕命  
可依前件

借職楊晟該差使吳奉雲等各轉一官

勅某等向勅邊臣增葺城堡所以護安民夷各全其生爾能相率

獻田出力有足嘉者服我爵秩永保忠順可



呂大忠發運副使

勅具官呂大忠發運使按治六路所部幾萬里持節出使未有若此其重者也以爾更練世故果於從政屢試劇部厥聲藹然是以命爾均南北之有無權貨幣之輕重使農耒俱利公私宜之以稱朕意可

蔣之奇集賢殿修撰知廣州

勅具官蔣之奇按治嶺海統制南極聲教所暨聳聞風采自唐以來不輕付予朕既擇其人復寵以秘殿之職使民夷縱觀知其輟自禁嚴以見朝廷重遠之意其於服從畏信豈不有助也哉可

東坡集卷三十六 制勅

古

吳安持知蘇州劉瑄知滑州

勅具官某等兩河之俗朴其弊也悍而輕犯法三吳之俗巧其弊也流而不知止惟君子爲能去其已甚濟其所不及故所居而民安之朕求二郡守訪之左右咸曰汝宜往服朕訓因俗而治可依前件

謝卿材陝西轉運使

勅具官謝卿材治邊者不計財惟邊之所用治財者不卹民惟財之爲富此古今之通患也朕知汝才知可倚忠厚可信故以西方之政責成於汝往與帥守者謀之惟適厥中以民爲本可



曼知果州

勅具官李曼蜀之人治蜀知其好惡察其情僞宜若易然又況於寬而明和而毅如汝曼者乎乃者無實之訴朕既察之矣乘傳西歸平賦役省條教以慰父老之望可

黎珣知南雄州

勅黎珣嶺海之遠吏輕爲姦非良守令民無所赴告往祗厥官如在近甸則予汝嘉可

張赴再任乾寧軍

勅具官張赴使者言汝爲政有方民甚宜之當解而留以慰民望

東坡集卷三十六

制勅

五

可不勉哉可

皇伯仲嬰贈奉國軍節度使追封申國公

勅祖宗之意仁孝爲先孝故事篤於親仁故閔勞以事雖豐功盛烈不見於宗室而令各美實克全於始終死喪之威哀歎何及具官仲嬰少而簡素輔以溫文既克已以歸仁亦樂善而忘勢信順多助蓋大有上吉之祥高朗令終真旣醉太平之福建元戎之六轟錫上公之九章維以勸忠豈云虛授庶幾幽壤服我寵靈可

林邵開封推官

勅具官林邵天府之劇古稱非兼人之資有不能濟今自備



負逃亡悉歸之四廂宜若易辦然夫辦之易則責之詳爾材敏素聞而以舉用往助乃長使治衆如治寡以稱所舉可

鄧義叔主客郎中王諤水部郎中

勅具官某等吏惡數易而事有不得已者通商惠農水政爲急而招携柔遠賓客之事亦重矣各祗乃事爲安官樂職之計可依前件

王荀龍知棣州

勅具官王荀龍平原厭次沃野千里桑麻之富衣被天下宜得老成循吏以輔安良民式遏姦慝訪之左右咸曰汝宜往悉乃心朕

東坡集卷三十六

制勅

十六

將觀焉可

黃憲章獲賊可承事郎

勅具官黃憲章勞能之賞不計日月爵祿之報必視首功宜從遷秩之勞以勸追晉之勇可

御史中丞劉摯兼侍讀

勅孟子有言君仁莫不仁君義莫不義一正君而天下定矣朕惟臺諫言責之臣雖知無不言常救之於已失而勸講進讀之士蓋朝夕納誨故日化而不知合於孟子正君之義非獨有司之事也具官劉摯以道事君非法不言使朕日聞所不聞天下稱焉宜因



古今冊書之成文取其興壞治忽之要論言之於無事救之於未  
失使朕立於無過之地豈非汝爭臣之大願乎可

處士王臨試太學錄

勅具官王臨觀近臣以其所爲主觀遠臣以其所主朕初不汝知  
也而光論汝可用其試之太學汝勉之矣朕旣因光以知汝亦將  
考汝所爲而觀光焉可

皇叔克眷贈曹州觀察使追封濟陰侯

勅先王建邦啓士必先宗盟上自魯衛下至應韓宗室之子莫不  
南面國家自仁率親專於教愛故生無吏責而富以祿汝享隆名

東坡集卷三十六

制勅

七

而告諸幽忠恕之道可謂備矣具官克眷以茂美之質服信厚之  
化雖功名才業不見於用而恭儉孝悌刑于厥官命以廉車旣侯  
其地皆國之舊非朕敢私庶幾有知服我休命可

冠彥卿彥明左班殿直以兄殿直冠彥古永樂成死事

勅具官冠彥卿士不難以身殉國朕獨何愛一官不以收恤其家  
乎祗服朕命毋忘死者可

駙馬都尉張敦禮節度觀察留後

勅軒冕之來德量爲稱外無克詘之容可以觀德內若固有之安  
可以言量具官張敦禮少以經術秀於士林雖綠姻戚之選不失



儒素之行日奉勅請既抱才而未試坐閱歲月亦久次而當遷進居爾使之間增重諸情之遇益礪士節以爲國華可

內人張氏可特封典贊

勅張氏朕幼學之初未就外傳命爾執業以待左右勤勞有年恭謹寡過進掌儀範以旌徽柔可

故尚宮趙氏可特贈郡君

勅趙氏先朝差擇女士以輔陰教侍御左右罔匪淑人矧茲六尚之選必備四教之法奄焉淪喪宜極哀榮以爾名族之英掖廷之舊行應圖史言中物則彤管有煒旣傳好德之芳象服是宜無愧飾終之典庶幾幽壤服我寵章可

東坡集卷三十六

制勅

十六

馮宗道右騏驎使內侍省內侍押班梁惟簡文思副使內侍省內侍押

勅具官某等爵祿天下之公器也朕不敢以私暱之愛而輕用其賞亦不敢以近習之嫌而不錄其功以爾等小心忠孝逮事列聖出入中外劬勞百爲而宗道以藩邸攀附之勤惟簡以東朝奉事之久各還所寄加重其任益勵素守以稱異恩可依前件

梁從吉遙郡團練使內侍省副都知

勅祖宗之化自家刑國故雖左右近習之臣莫不好善而知義彬



彬然有士君子之風焉具官梁從吉莊重有無溫良寡過給事宮省知無不爲服勤邊徼克有成績改錫戎團之命進助內宰之政益勵素守以稱異恩可

劉有方內侍省右班副都知

勅祖宗之化自家刑國故雖左右近習之臣莫不好善而知義彬彬然有士君子之風焉具官劉有方溫恭和毅勤強練密進從王事以法令爲師退安私室以圖史爲樂進領右璫之貳益親中禁之嚴惟忠與敬乃稱朕命可

翟思知泉州周之純知秀州沈季長知南康軍

東坡集卷三十六 制勅

十九

勅具官某等朕惟四海之廣一夫不獲足以害教化之成傷陰陽之和故選建守長必以學士大夫爲先孔子曰君子學道則愛人小人學道則易使也爾等皆以儒術進有聞於時矣其深識朕意往行所聞欽哉可

馬傳正大理寺主簿

勅具官馬傳正哀敬折獄明啓刑書理官之任也主簿雖卑亦有事於其間矣爾以選用其勉服此言可

張之諫權知涇州康識權發遣鄜州

勅具官某等邊郡之政兵食爲先郡守之責文武兼綜以爾等才



力之選卓然有聞治辦之效見於已試朕雖招携來遠不求邊功  
爾當積穀訓兵常若寇至祗率厥服往惟欽哉可

梁請供備庫副使轉出

勅具官梁請奉事之久累勞當陞求從外遷亦各其志進冀請使  
往齒外朝益務廉平以荅休寵可

燕若古知渝州

勅具官燕若古汝向以才選奉使東方官省而歸因以得郡蓋可  
謂異恩矣巴峽之輪邑居褊陋負山臨谷以爭尋常獨渝爲大州  
水土和易商農會通賦役爭訟甲於旁近毋以僻遠鄙夷其民欽

東坡集卷三十六 制勅

哉可

刪定官孫諤朝寔並宣議郎

勅具官某等迭見改官法之所嚴也歲月之課保任之數差若銖  
黍輒不得遷今於汝獨畧之者豈非以制法定令汝與其議故畷  
祗服朕命以法自律無徒知之可

王振大理少卿

勅具官王振任法而不任人則法有不通無以盡萬變之情任人  
而不任法則人各有意無以定一成之論朕虚心以聽人法兼用  
以爾出入中外敏於從政詳平奏讞審於用律廷尉之事爾惟副

之法出於禮本於仁成於義勉思古人以稱朕命可

李籲宣德郎

勅具官李籲朕有大政令使近臣總領其議民之休戚國之治亂成其手可謂重矣爾以儒術進以邑政選而爲之官屬亦豈輕哉二三臣者言爾當遷其服朕命益祗乃事可

趙思明西上閤門副使

勅具官趙思明國之宗臣義同休戚故文終之後配漢並隆而梁公之孫與唐無極國家佐命元老獨高韓王銘勲太常侑食清廟爰自近歲歎其中微乃眷裔孫尚有遺烈宜因近侍之請進陞上

東坡集卷三十六 制勅

三

閣之貳勉蹈祖武副朕懷人追遠之心可

李承祐內殿崇班 內臣轉官

勅具官李承祐奉事滋久累勞當遷遂齒外朝搢紳之列益思忠蓋母奈恩榮可

蕭士元知隰州趙永寧知永靜軍

勅具官某等文武異用而其道同軍國異容而其情一爾以才選往莅厥服惟少私寡欲則民自靖惟奉法循理則吏自畏祗率朕訓欽哉可

黃光瑞可內殿崇班



勅黃光瑞朕覆養華夷義均臣子愛一爵賞必加有功以爾昔助  
王師遠獲逋寇歷年滋久宜示異恩服我寵休永思忠盡可

又貽慶可都官員外郎居中可宗正寺主簿

勅具官某等昔江左二老王導謝安唐之元勳汾陽西平皆以積  
德流慶子孫多賢布列臺省爲邦之光今吾太師氏亦庶幾焉爾  
等才行之美所資者深聞見之廣不扶自直宜近而遠未稱朕意  
其歸服乃事同寅協恭以究事君親之義可

皇兄令天贈博州防禦使博平侯

勅爵齒之貴並隆於朝廷死喪之威莫先於兄弟禮有哀卹義兼

東坡集卷三十六 制勅

三

哀榮故具官令夫端厚有常靖恭寡過生不勤於保傅沒見思於  
族姻宜分竹符就賜茅社服予悖叙之寵慰爾永歸之魂可

高士永知文州

勅具官高士永自將爲守非藝而果不在此選治兵欲嚴御吏欲  
明撫民欲寬守邊欲信汝勉之矣毋廢朕命可

皇太后再從弟高士繼高士澹可並左班殿直文思副使梁

惟簡可皇城副使

勅具官某等朕惟坤元成物之恩雖以天下養無足稱其德者故  
推餘澤以及葭葦之親左右奉事之臣雖天地之施無所報塞尚



勉忠孝以荅萬一可

范百祿刑部侍郎

勅朕哀敬五刑期協中道論者志於殺惟殺之務則深而失情讞者志於生惟生之知則玩而廢法朕欲情法兩得生殺必中非俗吏之所能思古人而永歎爰試以事乃得其人具官范百祿少以異材輔之篤學首奉大對有守禮憂國之言旋爲爭臣有責難愛君之意必能參用經術折中人情民自以爲不寃汝當務致此者吾必也使無訟朕亦將庶幾焉可

朱光庭左司諫王覲右司諫

東坡集卷三十六

制勅

三

勅具官某等惟善人能受盡言故昔之諫者常有不容之憂然有志之士猶且不顧忠義所激憂患可忘今朕棊已無爲虚心以聽汝等所論蓋無虛日朕亦有拒而不聽聽而不用者乎各服新命盡所欲言而不從朕則有愧知而不言汝亦負朕可不勉哉可

鮮于侁左諫議大夫梁燾右諫議大夫

勅仲虺言湯之德曰改過不吝孔子論一言而喪邦曰惟予言而莫余違嗚呼天下之治亂安危有不出於此者乎朕夙興夜寐思聞其過厥愆曰朕之愆不啻不敢舍怒而況於左右輔弼之臣歟具官鮮于侁邦之老成久試於外金石之節皓首不衰具官梁燾



出入館殿蓋二十年守道篤志無所阿附皆吾爭臣之選也朕之於事無必無我可則行之否則更之使天下曉然知朕樂聞其過書之史冊足爲美談若乃進則詭詞退則焚章衰世之事朕無取焉可

王巖叟侍御史

勅具官某爾以御史論事稱職擢居諫垣而能秉心不回忠言屢聞考其所爭之義皆有可行之實予維寵嘉之茲復命爾往貳執法樂於從善朕志亦可見矣易曰大君有命開國承家小人勿用必亂邦也爾謹視中外毋縱詭隨以成我純一之政可

東坡集卷三十六

制勅

書

錢勰給事中

勅朝廷之政根本於甲書而樞機於門下出入考慎然後布之天下一成而不反後世有述焉雖用人惟均而至於封駁之任其選尤重具官錢勰文學議論世其先人典章憲度博通前世詞命之富多而愈工風力之優煩而不亂其服新命益修厥官使爲政者難於造令而承流者無所議法則惟汝賢可

明堂執政加恩韓維

勅朕於訪落之初躬總章之祀追嚴烈考以侑上帝七政軌道四海來格禮樂具舉天人並應非余一二大臣同德比義燮和神民

何以致此哉且官韓維令德雅望外爲師表忠言嘉謀入告帷幄  
望其容貌足以知朝莖之尊聞其風烈足以立貪懦之志艱難之  
際垂拱仰成宜修舊典之常均被慶成之澤同底於道朕有望焉  
可

張璪

勅親祠合宮昭事上帝明發不寐惕然有懷永惟神考之烈高出  
百王之表選建羣辟遺我後人濟於艱難克有成績具官張璪碩  
材不器俊德自明衛上之忠惻欵四世應務之敏勤勞百爲追茲  
配饗之成宜均慈嘏之福服我明命永肩一心可

東坡集卷三十六

制勅

三

李清臣

勅祇奉嚴禋肆行大賚誠通幽顯澤被中外六成之樂上格於穹  
壤四簋之黍下浹於輝庖矧余元臣相成釐事神人所保霈澤宜  
先具官李清臣德配先民才高當世早以天人之學發爲經緯之  
文左右先朝克有成績屬余訪落之始其濟艱難之中迨茲慶成  
均被慈告宜疏井邑之賜以示臣工之榮永孚于休以稱朕意可

安燾

勅於皇烈考屬余大器夙夜祇懼若涉冰淵乃者饗帝合宮風雨  
時若肆眚象魏謳歌聿歸惟天人之應萃于眇躬蓋左右之助實



賴將相具官安靈奮自儒術爲時名臣燧利兵戎無傷財害民之  
警持守法度有逆往事居之忠迨茲慶成均被慈告并邑之賜國  
有舊章與民同休居寵無愧可

### 范純仁

勅朕出款真室還祀合宮祗見昊天陟醜文考禮樂且舉華夷駿  
奔方恭默無言之中繫辟公顯相之賴率禮弗越肆予汝嘉且官  
范純仁慶歷各臣之家熙寧正諫之士著績西鄙授任中樞謨猷  
靖深丘革消伏領使奉祠之日助成大享之勤降福孔多推恩宜  
廣矧予宥密之地可無勲邑之加往服寵章益敬毋怠可

### 東坡集卷三十六 制勅

三

### 呂大防

勅朕有事總章升侑神考四輔在位百工在廷讓假無言各率其  
職迨此釐事之畢匪我冲人之能思與羣公均受帝祉具官呂大  
防擢自英祖休有直聲被遇裕陵愈彰忠力入總文昌之轄手疏  
磐錯之煩六事所瞻倚以爲重三府之議於焉取平宜加勲伐之  
隆益增并賦之衍服我休命思勉厥終可

### 韓忠彥黃履並特轉朝請郎

勅考績之法三代共由雖余左右之信臣猶以歲日而敘進率循  
其舊示不爾私且官韓忠彥願然異材奮以儒術典朕三禮識古

人之大全歷事四朝有宗臣之餘烈黃履受材宏深秉德純固入  
踐臺省休有老成之風出更藩垣遂無東顧之念祇服新命益修  
厥官尚勵有爲之心以需不次之舉可

皇叔祖克愛皇叔仲虢並遙郡團練使

勅朕不以親廢法亦不以義掩恩故宗室之英雄不任事而歲月  
之考必付有司以爾具官克愛篤行有常率履如一以爾具官仲  
虢居寵而戒好德不回旣累日以當遷非無省而虛授益務忠敬  
以保厥家可

王獻可洛苑使

東坡集卷三十六

制勅

七

勅具官王獻可傳不云乎詩書義之府禮樂德之則御徭扞城亦  
儒者之事也汝以詞學進而以武幹聞譽予虎臣謂汝可用往服  
新命以成汝志可

陳次升淮南提刑

勅具官陳次升春秋書無麥禾蓋病之也今吾淮甸之民夏旱秋  
水望熟於來歲譬如負重涉遠未知所舍朕甚憂之汝自百里長  
以才能選爲朕耳目其往按視省刑獄均力役督盜賊去姦吏使  
民忘其災以稱朕意可

杜純大理少卿



勅杜純治獄得其道仁及幽顯澤流子孫苟非其人災及草木身任其禍朕敬而畏之久難其人以爾用法平直守道純固不以進退榮辱抑揚其心故在此選靡不有初終之實難可不勉哉可

郭駿開封府司錄參軍

勅具官郭駿汝昔爲獄官不撓於職事以陷無辜之人坐失厥職秉義不回有足嘉者往隸天府總攝羣掾毋易汝守朕將觀焉可

林希中書舍人

勅文章之變與時盛衰譬如八音可以觀政而況誥命之出學者所師號令以之重輕風俗因而厚薄本朝革五代積衰之氣繼兩

東坡集卷三十六

制勅

三

漢爾雅之文而大道中微異端所汨欲復祖宗之舊必以訓詞爲先故難其人不以輕授具官林希博學強識篤學力行綽有建安之風流逮聞正始之議論往踐外制爲朝廷常潤色其精微期配昔人使天下識典刑之髣髴務究所學朕將觀焉可

司馬光左僕射追封溫國公

敕執德不回用安社稷爲悅以死勤事坐致股肱或虧方寸訪落之初遽興殄瘁之感其於卹典豈限羣童具官司馬光超軼絕塵應期降命蹈履九德湛涵六經逮事仁宗以論思獻納任言責翊我英祖以安危治亂鑒古今興惟先朝廷登近弼方事獻可而替



不肯杜尺而直尋紉繹新書優游卒歲乃心無不在王室不起  
何以慰蒼生顧惟眇躬墜稱誌祀雖未能求諸野而得傳說亦庶  
幾選於衆而舉臯陶激濁揚清方甄明於流品制法成治永振惠  
於黎元而慈遺之悲天不得於一老惴慄之歎人皆輕於百身茲  
大享於合輿仍不預於小斂師垣一品降之九原開國於溫用旌  
直德納棺以禭式勸具僚念滄泗以無從想話言之猶在俯惟英  
爽歆此寵靈可特贈溫國公

張績除宣德郎

敕太學博士張績祖宗設賢良文學之科以網羅天下之豪俊間

東坡集卷三十六制勅

三九

得偉人爾繇是選而沉默恬淡安於冗散學士鄧溫伯與東西省  
從官列上奏狀朕嘉乃冲靜特俾遷秩益務敦茲將有試焉可特  
授宣德郎依舊太學博士

孫覺除吏部侍郎

敕自國家還政文昌將以致治而天官四銓總覈人物澄清流品  
未見其人除擬之間賢愚同滯以爾朝請郎試給事中孫覺文學  
議論燭知本原諫省東臺久從踐歷選掄之慎委寄豈隆噫法之  
窒闕者更吏之不虔者逐賅文弗作甄亨有倫服我訓詞尚有大  
用可特授依前官試吏部侍郎



曹且知南平軍

救供備庫副使曹且西南瀘夷諸種部族散處聚 皇谿谷之阻與  
魚鳥羣卉服而居畚田而食樂生惡死情無甚異軍摩邊戍備預  
不虞靜而緩之彼自馴擾往服吾訓以稱人知可特授依前官權  
知南平軍事

呂和卿知台州

敕承議郎尚書金部員外郎呂和卿臨海雖小邦而有民社之重  
朕豈輕之爾以仕優而學誠知戒夫牆面之煩製錦之未易乎往  
欽用勵毋忽吾訓可依前官差權知台州

東坡集卷三十六

制勅

三

陸佃禮部侍郎

初文昌一卿位次八座各有典司咸用專達天官之選目色實繁  
以爾朝奉郎試吏部侍郎陸佃方頴以先朝一代大典繼修筆削  
勢難兼綜春官宗伯事雖稀簡目力可周而典章文物動關國體  
益思明練以稱恩休可特授依前官試禮部侍郎依舊允修實錄  
院修撰官

龍圖閣直學士朝請大夫知定州蔡延慶朝請大夫試戶部  
尚書李常金磨勅轉朝議大夫

三者而議黜陟古今所同積日而敘勤勞貴賤無間矧夫內與六



官之長外總連帥之權均大計之盈虛司隣邦之動靜歷年應格稽法當遷有司以言朕何敢後具官李常奮由跡遠深自刻修財賦所存綱目具舉具官蔡延慶各臣之後吏治有餘干城四方安靜不擾或以侍從之選而應服肱之長雖尺寸以遷未彰於異數而命秩之寵差慰於久勞

朝奉郎孫覽除右司員外郎

奉使北方治河而備邊任亦重矣以爲未足以盡其才也而寘之都司吾之所以責任爾者可見也夫分治六官事無鉅細畢陳於前若網在綱振之則舉弛之則盡廢爾肯既稱治辦矣勉旣厥心以待來効

東坡集卷三十六

制勅

三

朝奉大夫田待問淮南提刑制

揚楚春旱秋水民艱於食漸起爲盜遂使州縣狂獄充滿朕憂之未始一日忘也聞起爾於山陽守叅領漕事今又命爾拔視刑辟徒以爾習其風俗知吏民所疾苦大察倉暴謹追擾均有無督盜賊此荒政之急也勉勤其職以稱朕意

朝散郎殿中侍御史林旦淮南運副使制

淮甸之民荐罹饑饉乃者詔發倉廩發吳楚之漕以拯其急猶以乏食流徙達於朕聽朕惟救荒之政行之畧盡惟得良使者因事



施宜爲若可賴爾由郎官以才任御史習于揚楚之俗其爲朕往  
視之均徭薄斂禁暴戢姦無使斯人重被其困

東坡集卷三十六制勅

三

東坡集卷之三十七

赦文

眉山蘇軾東坡氏著

明堂赦文

元祐元年九月六日

門下聖人之德無以加孝帝王之典莫大承天朕以眇眇之身  
奠在歆永惟置器之重惕若臨淵之深承明繼成思有以迪先王  
之烈紹志述事未足以慰天下之心仰繫母慈總攬政體緝熙百  
度和樂四方賴帝貺臨海寓寧又三垂之兵靡警萬邦之年屢豐  
庶幾大同光嗣成美深惟六聖之制必躬三歲之祠惟茲肇禋屬  
予訪落喪有以權而從變祭無以卑而廢尊願言總章古重宗祀

東坡集卷三十七 赦文

以教諸侯之孝以得萬國之心我享維天下武式文王之典大孝  
嚴父孔子謂周公其人追惟先猷嘗講茲禮包舉儒術咨諏縉紳  
刺六經放逸之文斥衆言淆亂之極嘉與四海靈承一天革顯慶  
之兼尊隆永徽之專配成於獨斷弁予冲人遵遺教於前著成法  
於後消選吉日哀鞞上儀奉壘琳宮奠玉路寢神之弔矣燕及皇  
天誰其配之既右烈考於時風齋輅之駕被衣冕之章備庶物之  
微追三牲之養靈游而風馬下孝奏而日月光惕然履霜詎勝悽  
愴之意僂然出戶如聞歎息之聲秩祜登我思成侍臣助予懽楚

既迄成於熙事敢專饗於闕休宜布洪恩以暨諸夏云於戲漢



庭祀帝著於卽昨之踰年唐室施仁固以御門之吉日蓋禮盛者  
文縉澤大者流長尚賴文武之英屏翰之雋協恭致治以輔邦家

西京奉安神宗皇帝御容禮畢西京德音赦文 元祐二年十一月十四日

門下朕以寡昧仰繼聖神顧瞻山陵未忘弓劍之慕益廣示廟以

奉衣冠之游祇遣輔臣往嚴像設敞鳳臺之仙宇粲龜洛之仁祠

辟表一臨陪京增重山川改色方貢祥而效瓊父老縱觀或太息

而流涕宜施雷雨之澤以蒼神人之休 云於戲好生育物既推

文母之慈崇德措刑終成神考之志資爾有眾宜體朕懷

德音赦文 元祐三年六月

東坡集卷三十七 赦文

門下朕以眇躬獲御大器仰聖后之慈訓荷先烈之永圖四載於

茲涉道尚淺凜然祇惕若履淵冰思所以慰安人心奉若天道常

慮一夫之天所以傷萬物之太和蠲苛去煩夙夜願治迺自去冬

連月降雪異常今春已來久陰不霽農夫失職商旅不通比屋之

間凍餒彌甚常寒之罰咎在朕躬惟日兢兢以圖消復潔精致禱

神眷未孚克已自持協氣無應切慮四方獄犴宛滯尚多工役煩

與人吝胥怨鬱成繆盩之變以干陰陽之和宜均渙恩以召善氣

云於戲遇災祇戒聿修信順之誠正事布和庶獲天人之助咨

爾中外咸體朕懷



內制詔敕

集官詳議親祠北郊詔

勅門下國家郊廟時祀祖宗以來命官攝事惟三歲一親郊則先饗清廟冬至合祭天地于圓丘元豐間有司援周制以合祭不應古義先帝乃詔定親祠北郊之禮未及施行是歲郊不設皇地祇位而宗廟之饗率如舊制朕以寡昧嗣承六聖休德鴻緒今茲禋禮奠幣上帝裸鬯廟室而地祇天神久未親祀矧朕方修郊見天地之始其冬至日南郊宜依熙寧十年故事設皇地祇位以蒼並配之報功令有司擇日遣官奏告施行厥後躬行方澤之祀則修元豐六年五月之制俟郊祀畢依前降詔聚集官詳議親祠北郊爭及郊祀之歲廟饗典禮聞奏故茲詔示想宜知悉

太皇太后賜門下手詔二首

元祐三年七月八日

勅門下皇帝嗣位於茲四年華夷來同天地並應而皇太妃以恭儉之德鞠育之恩雖典冊以時奉行而情文疑有未稱皇帝以祖考之奉尊無二上而吾惟春秋之義母以子貴其推天下之養以慰人子之心宜下禮部大常寺討尋如於典故有褒崇未盡事件令子細開具聞奏

東坡集卷三十七

赦文

三

元祐三年閏十月十四日



勅門下官冗之患所從來尚矣流弊之極實萃于今以闕討員至相倍蓰上有次間失職之吏則下有受害無告之民故命大臣考求其本苟非裁損入流之數無以澄清取士之源吾今自以躬身率先天下永惟臨御之始嘗勅有司蔭補私親舊無定限自惟薄德敢配前人已詔家庭之恩止從母后之比今當又損以示必行夫以先帝顧託之深天下青望之重苟有利於社稷吾無愛於髮膚矧此恩私實同毫末忠義之士當識此誠各忘內顧之心共成節約之制今後每遇聖節大禮生辰合得親屬恩澤並四分減一皇太后皇太妃準此

東坡集卷三十七 教文

四

趙州賜大遼賀興龍節大使茶藥詔

勅卿將命奉幣遠涉川途風埃浩然徒馭勤止宜加寵錫以示眷懷

趙州賜大遼賀興龍節副使茶藥詔

元祐元年十月十六日

勅卿將命夙興犯寒遠涉駕言未息軫念殊深特致恩頒以嘉勤瘁

賜皇叔祖建雄軍節度觀察留後同知大宗正事宗景上表

仁恩命不允詔

元祐元年十月九日

勅宗景省所上表辭免恩命事具悉朕初執珪幣祇見上帝嘉與

百辟徵福文考太賚四海始于親賢督神之休義不當避國有常  
典爾無固辭

賜皇叔祖宗景上表辭恩命不許詔

元祐元年十月九日

勅宗景覽所上表辭免恩命事具悉國家有大祭祀必均慶賞邦  
甸侯衛輝炮翟闡無有遠邇畢蒙惠澤矧我懿親實維顯相祇率  
舊典毋須固辭

賜新除檢校太保依前河西軍節度使阿里骨加恩制告詔

元祐元年十月十五日

勅阿里骨朕涓選靈辰奉承宗祀肆均介福徧暨多方世撫侯封

東坡集卷三十七 赦文

五

夙虔朝命特加寵渥用獎忠嘉

太皇太后賜故夏國主嗣子乾順詔二首

元祐元年十一月十六日

念爾守邦藐然在疚日月逾邁祖葬有時緬懷孝愛之深想極攀  
號之戚往助襄事式昭異恩

元祐元年十一月十六日

惟我列聖眷爾有邦非徒極其寵榮蓋亦同其憂患念爾哀疚惻  
然顧懷臨遣行人往喻至意且致奠賻之禮以爲存沒之光

趙州賜大遼賀正口副使茶藥詔

元祐七年十一月十九日

勅卿抗旌出境夙駕在塗眷言跋涉之勞宜適興居之節式頒良



劉以輔至和

趙州賜大使茶藥詔 元祐元年十一月十九日

勅卿遠飭使軺講修隣好蒙犯風霧跋履山川宜頒錫於珍芳庶輔安於寢食

趙州賜大遼國賀太皇太后正旦大使茶藥詔 元祐元年十一月十九日

勅卿茶講隣歡遠勤軺馭言念驅馳之久適丁寒沍之辰宜錫珍

良式昭眷寵

趙州賜副使茶藥詔 元祐元年十一月十九日

勅卿遠持使節來慶春朝方此沍寒良勤啓處宜示眷懷之異式

東坡集卷三十七 赦文

六

頒劑和之良

賜鎮江軍節度使檢校太傅開府儀同三司上柱國康國公

判大呂府韓絳上表乞致仕不許詔二首 元祐元年十一月二十日

勅韓絳覽所上表陳乞致仕事具悉卿四世元老國之長城端笏垂紳不動聲氣風采所及自然折衝軒冕丘園其實何異矧今艱難之際日有水淵之慮黃髮在庭未敢言病豈宜獨善遽欲卽安尚分批顧之憂勿起退歸之念強食自輔體我至懷

二 元祐元年十一月二十日

勅韓絳省所上表陳乞致仕事具悉功成身退人臣之常壽考康

強有不得謝卿出入將相垂三十年豈以小郡尚勤元老徒得君重臥護一方使吏民瞻師尹之儀刑蠻夷識漢相之風采丘園之請朕未欲聞其省思慮時寢食親近藥餌以副中外之望

賜金紫光祿大夫守尚書右僕射兼中書侍郎呂公著生日

詔元祐元年十月二十七日

勅公著卿將相三世輔翼兩朝方斯于獻夢之辰有既醉太平之福宜膺慶賚永錫壽康今賜卿生日羊酒米麵等具如別錄至可領也

賜新除依前中大夫守中書侍郎呂大防辭恩命不允詔元祐

東坡集卷三十七 赦文

七

元年十一月四日

勅大防卿敦大直方任重道遠擢貳西省蔽自朕心雖與聞政事爲日未久而歷試中外勤勞百爲蓋有年矣德位惟允人無間言亟服新命母煩朕訓

賜新除御史中丞傅堯俞辭免恩命不允詔元祐元年十一月六日

勅堯俞詩云剛亦不吐柔亦不茹朕以卿有樊仲之風是以擢卿爲中執法才難之歎古今共之豈以小嫌而廢大任與其拘文以自疑不若直已而行義亟服乃事無煩固辭

賜正議大夫同知樞密院事安燾乞退不允詔元祐元年七月十三日



勅安燾卿才當其位義不辭勞內之樞機之謀外之疆場之議既當身任其責難以家事爲辭而況並奉君親兩全忠孝進無不得退以何名卿之所求固非矯激朕之不許亦豈空文亟還厥官無煩再命

賜韓絳上第二表乞致仕不允詔

元祐元年十一月十四日

勅韓絳朕以眇躬求助諸老皆以艱難之際不辭中外之勞胡爲累章確守歸意豈朕不善西伯之養而無人子思之側乎三復喟然未喻厥指朕意不易卿其少安

賜韓絳上第三表乞致仕不許斷來章詔二首

元祐元年十一月十四日

東坡集卷三十七

赦文

八

勅韓絳君臣之義憂樂同之苟皆懷歸誰任其事卿之高識雅度輕軒冕而樂丘園天下所共知也獨不念先帝託付之重乎勉徇大義勿復以言

二

勅韓絳功成身退人臣之常禮至所非常之遇則必有無窮之報朕待卿於形器之表而卿自處於繩墨之內未爲得也朕意不易卿無復辭

賜新除依前光祿大夫刑部尚書蘇頌辭恩命不允詔

元祐元年

十月十七日

勅韓鎮卿篤於仁心深於經術用心司寇期於無刑朕惟幸處之

深三年不奪其志又推才難之故千里以待其來卿而不能誰當

能者亟服乃事母煩力辭蘇頌表云自循朽邁敢冒優除伏望放還成命聽服常僚所有誥命未敢祇受

賜新除落致仕依前光祿大夫范鎮赴闕詔元祐元年十月二十日

勅范鎮夫有德君子以精神折衝譬之麟鳳能服猛鷲朕虛懷前

席以致諸老非敢必以事誘也苟得黃髮之叟皤然在位則朝廷

尊嚴奸宄消伏卿雖篤老乃心王室母憚數舍之勞以副中外之望

皇帝賜故夏國主嗣子乾順進奉賀正馬馳回詔元祐元年十二月二

十四日

東坡集卷三十七 赦文

九

詔故夏國主嗣子乾順遠奉王正來歸時事惟此充廢之實下皆

任士之宜乃眷忠勤良深嘉歎

太皇太后賜故夏國主嗣子乾順進奉賀正馬馳回詔元祐元年

十二月二  
十四日

詔故夏國主嗣子乾順述職春朝歸誠宰旅修此效華之禮致其

乘服之良再閱來章式嘉忠節

賜觀文殿大學士知穎昌府韓縝上表辭免恩命不允詔元祐

元年十二月  
二十五日

勅韓縝朕躬祀總章始行嚴配推廣帝親之澤覃及中外之臣惟



我老成逮受顧命均此介福非朕敢私國之故常毋煩謙避

賜鎮江軍節度使判大名府韓絳上第二表乞致仕不許詔

元祐元年十月二十九日

勅韓絳爲國無強於得人用人莫先於求舊雖已挂冠而謝事尚俾安車而造朝豈有體力未衰蕃宣所寄亟圖自便遂欲言歸矧卿德望並隆神人所相焉有滿盈之懼夫何倚伏之虞尚體至懷少安厥位

賜觀文殿學士正議大夫知河南府孫固乞致仕不允詔四

首元祐二年正月一日

東坡集卷三十七 敕文

十

勅孫固視國如家忠臣可以忘老視民如子君子可以忘勞卿被遇三朝出入二府德望並隆中外所服故起之詞館付以留籥使士有矜式民有依怙屬任之意豈輕也哉釋位謀安引年求避此疎遠小臣之事非所望於卿也尚體至意勿亟懷歸

二元祐二年正月一日

勅孫固卿英祖所擢以遺神考乃眷舊學用之西樞朕卽位二年未見君子每惟圖任舊人之意常有越在外服之歎矧欲辭位而去遂安丘園哉山川重鎮務舉大體簿書期會則有司存優游卒

歲可以忘老

三元祐二年正月二十五日

勅孫固廊廟之舊歷事三朝名德並隆如卿者有幾無故釋位其謂朝廷何卿既自爲謀亦爲乃后謀之勉遵前詔以慰中外之望

四元祐二年正月二十五日

勅孫固朕永懷三宗追用其人所以尊禮慰藉其意者自以爲無失矣而卿浩然懷歸若不可復留何哉勉狗大義毋違朕志

賜新除樞密直學士知定州韓忠彥乞改一偏州不允詔元祐

二年二月

勅忠彥朕嘗覽闕古之圖觀宗臣之交俯仰今昔有鑒於心會中

東坡集卷三七 赦文

十一

山關守差擇循良卿庶幾焉勉副朕意何以辭爲

賜樞密直學士守兵部尚書王存乞知陳州不允詔

勅王存卿出入四朝更涉夷嶮金石之節始終惟一六卿之長所以倡九牧而厚風俗也豈以職事煩簡爲輕重哉君子出處朝廷之大事而風雨寒暑庸理之微疾也姑安厥位以稱朕意

賜尚書左丞李清臣生日詔元祐二年二月二十四日

勅清臣春之方中月復幾望篤生王國之彥蔚爲廊廟之華神既聽於靖恭民亦宜於愷愉膺我慶賜永綏壽祺

賜朝散大夫試御史中丞傅堯俞乞外郡不允詔元祐二年三月十三日



勅堯俞負中外之望居得言之地朕方虛已樂聞嘉猷乃者水旱連歲民流未止賊盜將熾財力靡敝卿旣欲圖實効以酬恩朕亦將考所言以責實偃息藩郡豈所望哉

賜鎮江軍節度使充集禧觀使韓絳茶藥詔

元祐二年三月

勅韓絳春夏之交寒燠相沴起居之節調適爲難眷予元臣夙勞於外宜加存問且錫珍良勉蹈至和以符眷倚

賜保寧軍節度使馮京告勅茶藥詔

元祐二年三月二十一日

勅馮京卿以篤老久勤外服留籥之重擁髦而東蒙犯氛埃徒御良苦宜省思慮近藥物勉遵時令以副眷懷

東坡集卷三十七

赦文

十三

賜鎮江軍節度使充集禧觀使韓絳赴闕詔二首

元祐二年三月二十

七日

勅韓絳卿擢自祖宗輔翼先帝德望之重天下聳聞與其置之一方勞以民事不若歸安闕下式瞻儀刑請老閒居固非所望嘉猷入告夫豈不能遲卿言還及此初夏

元祐二年三月二十七日

勅韓絳爲天下計則賢者常勞爲人臣謀則老者當逸今朝廷待卿之意酌處其中奉朝請於琳宮所以系民望釋負荷於留籥所以慰雅懷勉及清和亟還朝著

賜尚書刑部侍郎范百祿乞外任不允詔

元祐二年三月二十九日

劾百祿成王命君陳商民在辟予曰辟爾惟勿辟予曰宥爾庶勿宥惟厥中古之有司與天子相可否蓋如此而況公卿之間議有異同而不盡其說哉例在中書與在有司固宜審處歸于至當而卿遽欲以此去位非古之道也其益修厥官以稱朕意

賜龍圖閣直學士新差知秦州呂公孺乞改授宮觀小郡差

遣不允詔

元祐二年四月三日

勅公孺朕顧懷西方思得賢守使邊有備而民無擾以卿耆老練達德宇淵靜秦又舊治吏士服習卧護諸將無以易卿

東坡集卷三七 赦文

三

賜彰化軍節度使開府儀同三司判大宗正事晟上表乞

還職事不允詔二首

元祐二年四月十五日

勅宗晟書云孝乎惟孝友于兄弟弟施於有政是亦爲政卿以膝下之養爲宗人之法古之爲政孰大於此而欲以親辭職耶益修厥官以稱吾意

二

勅宗晟古者庶子之官設而邦國有倫所治雖簡而所寄甚重卿爲宗室祭酒德度之美刑于中外朕方慶瓜瓞之茂而欲觀麟趾之應益勵厥職無棄爾成



賜故夏國主嗣子乾順進奉謝恩馬馳回詔二首

詔故夏國主嗣子乾順臨吊之重以寵世臣思報之深復承來价載閱克庭之實備形述職之心乃眷忠勤不忘嘉歎

二 元祐二年四月十七日

詔故夏國主嗣子乾順尚遣行人往賻襄事繼陳方物來奉謝章惟忠可以附民惟禮可以定國勉終誠節以副眷懷

賜新除尚書左丞劉摯辭免恩命不允詔

勅劉摯朕昔聞卿言今任以政已試之效見於事功廊廟闕人以次選用宜其右不宜其左能於昔不能於今豈有是哉

東坡集卷三十七 赦文

而

賜新除中大夫守尚書右丞王存辭免恩命不允詔 元祐二年五月

二十 六日

勅王存朕歷選百辟試之以事醇厚而文剛毅而和更涉變故守德不移無逾卿者夫享天下之利者在天下之患居天下之樂者同天下之憂朕非以是富貴卿也其何以辭

賜集禧觀使鎮江軍節度使開府儀同三司韓絳乞致仕不

允詔二首 元祐二年六月四日

勅韓絳同以宏才臥護道庇斯民之利病蓋一方之安危朕方虛懷以待元老冀疾病之有間得雍容而造朝時聞嘉言以輔不

建寧老之請殊非朕

元祐二年  
六月四日

勅韓絳元老在位邦之榮華徒以精神折衝非以筋力爲禮游神道館擁節家庭於卿圖告老之安而國有貪賢之美勉自輔養期於少留

賜新除試吏部侍郎范百祿辭免恩命不允詔

元祐二年六月十二日

勅百祿夫以天官之貳治夏卿之選簿書繁重條格紛委苟非其人則士之失職而無告者多矣朕難其材不以輕授卿有應務之敏而行之以勤有守官之亮而濟之以通往行其志何以辭爲

東坡集卷三十七 赦文

五

賜新除吏部侍郎傅堯俞辭免恩命乞知陳州不允詔

元祐二年

六月十三日

勅堯俞連蹇三黜栖遲十年士無賢愚爲國太息如珠王之在泥土麟鳳之在網羅朕所以拔卿於久廢之申用卿於期年之內大下拭目欲觀所爲而乃引微疾以自言指便郡而求去豈獨於卿有報國未遂之歎亦將使朕獲用賢不終之誠勉復舊曹以全大節

賜同知樞密院事范純仁生日詔

元祐二年六月十八日

幼范純仁卿天資文武世濟勳勞載嘉誕日之臨豈獨私門之嘉



宜膺慶賜以介壽祺

賜新除知樞密院安壽辭免恩命不允詔

元祐二年六月二十四日

勅安壽人才之難從古所歎圖任以舊為國之常卿以瑰異之資荷艱難之寄勲勞靡懈望實愈隆雖云超陞不改疇昔徒以任之既久則責之宜專知無不為乃所望於卿者卑以自牧亦何補於

國哉

賜朝議大夫試戶部尚書李富乞除汾邊一州不允詔

元祐二年

八月二十一日

勅李富在汴獻馘亦儒者之常撻劔狄鬪蓋孔門之事雖然義有

東坡集卷三十七

敘文

夫

輕重理有後先與其自請捍邊已癘疥之疾曷若盡瘁事國幹心督之憂苟推是心何往非報雖願受長纓而往者卿之本懷然自以尺箠而鞭之吾有餘力尚體此意姑安厥官

賜太師平章軍國重事文彥博宰相宮公著白今後人朝凡

有拜禮宜並特與免拜詔

元祐二年八月二十五日

勅彥博朕聞几杖以優賢著之典禮耆老無下拜書於春秋魏太傅鍾繇以足疾乘車就坐自爾三公有疾以為故事而唐司徒馬燧亦以老病自力對於廷英詔使母拜今吾耆老大臣西朝之舊

德隆而望重任大而憂深者惟卿與公著而已

呂公著詔即改云惟彥博與卿而已

方資其著龜之告豈責以筋力之禮今後入朝凡有拜禮宜並待免卿其專有爲之報畧無益之儀母或固辭以稱朕意

賜新除兼侍讀依前光祿大夫吏部尚書蘇頌辭免恩命不

允詔 元祐二年八月二十七日

勅蘇頌朕惟左右正人之求甚難其選以爲直亮多聞之益宜莫如卿方虛懷於至言豈曲從於遜避亟服乃事母煩固辭

賜守司空開府儀同三司致仕韓絳乞受冊禮畢隨班稱賀

免赴詔 元祐二年八月二十七日

勅韓絳卿脫屣軒冕顧神印園不爲絕俗之高愈篤愛君之意喜

東坡集卷三十七 赦文

聞冊號請覲內廷在臣子之誠心卿爲盡節顧筋骸之末禮吾所未安

賜宰相呂公著乞罷免相位不允詔 元祐二年八月二十八日

勅公著宰相之責綬靖四方羌人旣俘士氣益振長轡遠馭方資

老謀卿不强起孰卒吾事近以二老之故削巫拜之禮而彥博執

謙不回朕旣從其請矣卿起就位復何疑哉

賜前兩府并待制已上知州初冬衣襖詔 元祐二年九月七日

勅元發歲將瑾戶工告始裘宜頒在笥之珍以示維藩之寵服之

安煖體我眷懷



賜太師文彥博乞致仕不允詔二首

元祐二年九月十日

勅彥博卿求退之意著於士民執謙之心信於天地勉當委重之託初無懷祿之嫌大義苟安細故可畧朕命不再卿其少安

二

勅彥博論道則忘年卿不可以年既高而爲請稱德則鄙力卿不可以力不足而爲辭斷之於中義有不易豈以屢請之故而廢將成之功體君至懷以慰公議

賜龍圖閣直學士尚書工部侍郎蔡延慶乞知應天府不允詔

元祐二年九月十六日

東坡集卷三七 赦文

六

勅延慶八侍禁近出殿藩服已試之效藹然有聲今若予工宜有餘力夫游刃肯繁尚不辭難退食委蛇豈當告病膚理微疾行當自痊勉安厥官以稱朕意

賜尚書左丞劉摯生日詔

元祐二年九月二十二日

勅劉摯律協應鐘辰集析木實生俊輔休有令名膺我寵章以介眉壽

趙州賜大遼皇帝賀興龍節大使茶藥詔

元祐二年九月二十七日

勅卿隣歡載講使節甚華永言郵傳之勤適此風霜之候宜加寵賚以示眷存

趙州賜大遼皇帝習興龍節副使茶藥詔

元祐二年九月二十七日

勅卿載馳遠道良苦祈寒豈無藥物之嘉以軸寢興之節宜膺寵錫尚體至懷

賜太師文彥博生日詔

元祐二年九月二十九日

勅彥博陽月載臨剛辰協吉篤先元老弼亮四朝允爲廊廟之華豈獨閨門之慶往膺寵數永錫壽祺

賜資政殿學士太中大夫新知成都府王安禮乞知陳頴等

一郡不允詔

元祐二年十月一日

賜安禮朕惟西蜀地狹而賦重人懦而吏肆徭役新定農民在官

東坡集卷二十七 赦文

九

馭之無方將不勝弊惟朕左右信臣明而不苛寬而有斷必能肅遏慢吏扶養小弱卿雖微疾強爲朕行時近藥石勉事道路稱朕意焉

公路賜奉安神宗御容禮儀使呂大防銀合茶藥詔

元祐二年十月

七日

勅大防於赫神考如日在天雖光明無所不臨而躔次必有所舍肆予命爾祗奉此行禮既告成勤亦良至感慕之外嘉歎不忘

賜資政殿學士太中大夫新差知成都府王安禮銀合茶藥詔

元祐二年

十月八日



剋安禮朕求治如不及用人惟恐失之矧余良臣擢自神考出入中外厥聲藹然朕豈欲其遠去哉特以全蜀之寄甚難其選知卿篤於忠義當不以遠近爲意也勉事道路慎疾自愛往安吾民以稱朕意

趙州賜大遼賀太皇太后正旦大使茶藥詔

元祐二年十月十七日

勅卿久勤輶傳遠犯風埃眷言行邁之勞良極軫懷之意往頒珍劑以輔至和

趙州賜大遼賀太皇太后正旦副使茶藥詔

元祐二年十月十七日

勅卿遠乘使傳來講鄰歡屬此沍寒尚勲行役往加問勞式示眷

東坡集卷二十七 赦文

三

懷

趙州賜大遼賀皇帝正旦大使茶藥詔

元祐二年十月十七日

勅卿遠慶春朝篤修隣好永惟使事之重遂忘行役之勞旣極歡

嘉且申問勞

趙州賜大遼賀皇帝正旦副使茶藥詔

元祐二年十月十七日

勅徂歲向晚修途苦寒方趨造於會朝未卽安於舍館往加恩錫增重使華

賜宰相呂公著生日詔

元祐二年十月十八日

勅公著卿三世將相四朝耆老賚我良弼實惟茲辰茂膺維嶽之

靈永錫如陵之壽宜頒寵數以示眷懷

賜新除龍圖閣直學士李之純辭恩命不允詔

元祐二年十二月四日

勅之純祖宗之文章與典謨訓誥並寶於世典領其事非有德君子雖積勞久次不以輕授蜀遠而人懦窮困抑塞至無所訴朕專欲以德安之故內閣之命非獨以寵卿抑將使蜀人知朕用卿蓋以德選也其深識此意勿復固辭

賜太師文彥博乞致仕不允詔五首

元祐二年十二月二十五日

勅彥博卿自去歲以來數苦小疾尚能二留以轉不逮近者神明所相體方自康視聽不衰步趨加健乃欲求去耶今御戎之策未

東坡集卷三十七 叙文

三

有定議京東西河朔荐飢公私枵然方與二三臣圖之卿未可以卽安也

元祐二年十二月二十五日

勅彥博卿歷相三宗各聞四夷位極一品書考四十自載藉以來未之聞也固當以國爲家以天下爲身以安社稷爲悅而不當以居邱園爲樂也朕方待卿而爲政請老之言所未欲聞

賜外任臣寮進賀太皇太后受冊馬詔勅

元祐二年十月二十六日

勅禮以正各國之舊典載闕充庭之實式將載后之心朕眷忠勤

良深嘉歎



賜外任臣寮進奉賀皇太后皇太妃受冊馬詔勅  
元祐二年十二月二日

十六日

勅典冊告成宮闈之慶事君盡禮因物見誠乃眷忠勤不忘嘉歎

賜保寧軍節度使知大名府馬京進奉賀端午節馬詔  
元祐二年十二月二日

十二月二日  
十六日

勅馮京受鉞將壇剖符畿甸效充庭之駿正慶中人  
之良辰乃眷

勤誠不忘嘉歎

賜資政殿學士知鄧州韓維進奉謝恩馬詔  
元祐二年十二月二十六日

勅韓維廟堂均逸遠不忘君駟駿在庭儀多於物載惟忠盡良極

東坡集卷三十七 赦文

三

歎咨

賜檢校司空左武衛上將軍郭逵進奉謝恩馬詔  
元祐二年十二月二日

十六日

勅郭逵惟卿耆老漸就退閒不忘戴主之誠遠效充庭之駿載嘉

忠盡良極歎咨

賜中大夫守尚書右丞王存生日詔  
元祐三年正月四日

勅王存卿以宏才與聞大政誕日之慶豈惟閭庭寵錫之隆庶延

壽域

賜試戶部侍郎趙瞻陳乞便郡不允詔  
元祐三年正月十三日

初趙瞻朕褒顯耆耆取其宿望養育俊乂待其成材庶前後相繼  
朝不乏人則堂陛自隆國有所恃方今在廷之士孰非華髮之良  
而卿以康強之年爲遠引之計於義未可蓋難曲從

賜皇伯祖宗晟辭免起復恩命不許詔四首

元祐三年二月十五日

初宗晟卿哀迫之至言不及文覽之惻然欲從所請而宗子之衆  
才性各殊位不期驕祿不期侈非卿允蹈忠信力行禮義以身先  
之蓋未易齊也少屈爾私以成吾志不亦可乎

元祐三年二月十五日

初宗晟卿以強起就位爲未便安而朕以徇私忘公爲未盡美書

東坡集卷三十七 赦文

三

云孝乎惟孝友于兄弟旣於有政是亦爲政夫聖人以孝弟爲從  
政而卿以從政爲非孝非所聞也勉從朕命勿復固辭

元祐三年二月十五日

初宗晟卿致孝罔極守禮不回以魯衛之親而行曾閔之事吾深  
欲成人之美遂卿之私顧以宗臣治親有國先務教以道藝時其  
冠昏獎察其賢能而訓誥其驕惰非吾宗室之老孰當父兄之任  
其深明吾意往服厥官

元祐三年二月二十二日

初宗晟君子之於禮雖先王未之有可以義起而況漢唐之舊故



事具存如種方進房喬之流皆以儒術致身不免於釋哀而謀國  
近歲夏竦晁宗慤亦以近臣奪喪君子不以爲過今宗正之事止  
於治親譬猶父兄訓勅子弟豈以衰麻之故而廢閨門之政乎卿  
其勿疑亟服乃事

賜保寧軍節度使知大名府馮京進奉興龍節并冬至正旦

馬詔

元祐三年二月二十五日

勅馮京震風之祥旌庭稱慶歲時之會因物效誠乃眷元臣實勤  
典禮多儀克舉屢歎不忘

賜外任臣寮進奉謝恩馬詔勅

元祐三年二月二十六日

東坡集卷三十七 赦文

五

勅衛恩思報因物致誠效茲乘服之良示有驅馳之志永言忠蓋  
良極歎咨

賜外任臣寮進奉興龍節功德疏詔勅

元祐三年二月二十六日

勅誕彌之慶中外所同畢輪衛上之誠來獻後天之祝永言忠蓋  
良極歎嘉

賜新除守司空同平章軍國事呂公著辭免恩命不允詔

元祐

三年四月六日

勅公著委重元老朕之本心歸安丘園卿之素志今於二者酌處  
其中使卿獲居勞逸之間而朕不失仰成之託於義兩得夫復何

賜新除太中大夫守尚書左僕射兼門下侍郎呂大防辭免

恩命不允詔 元祐三年四月六日

勅大防端揆黃門之任虛之久矣以卿德望兼重才術有餘故投之不疑渙號已行僉言惟允務稱朕命何以辭為

賜新除太中大夫守尚書右僕射兼中書侍郎范純仁辭免

恩命不允詔 元祐三年四月六日

勅純仁國之安危寄於宰輔朕豈苟然而輕授也哉試之以事而不移斷之於心而不貳成命已出豈容復回往修厥官以稱朕意

東坡集卷三十七

赦文

五

賜觀文殿大學士光祿大夫知永興軍韓縝三上表乞致仕

不許斷來章詔 元祐三年四月七日

勅韓縝夫任天下之責者無自營之私蒙國士之知者有非常之報矧卿德望兼重體力猶強方資禦侮之壯猷焉用引年之常禮宜安厥位毋復言歸

賜觀文殿大學士光祿大夫知永興軍韓縝三上表陳乞致

仕不允斷來章詔 元祐三年四月七日

勅韓縝朕體貌諸老儀刑四方假以方面之安畧其筋力之禮如卿屢請固無懷祿之嫌而朕固留宜有忘歸之意今中外無事民



物小康固恐安車之榮未逾坐嘯之樂朕命不易卿其少安

賜新除太中大夫守尚書右僕射兼中書侍郎范純仁再上

劄子辭免恩命不允詔

元祐三年四月七日

勅純仁卿奉事先帝義深愛君與政西樞論不阿世昔聞汲黯之不奪今見徐公之有常參以衆言蔽自朕志右宰之任非卿而誰屢執謙詞殊非所望

賜新除依前中大夫守中書侍郎劉摯辭免恩命不允詔

元祐

三年四月七日

勅劉摯朝廷設三省建丞弼雖所治不同至於因時立政昭德塞

東坡集卷三十七 赦文

三

違其實一也卿既任其事矣今以次遷無足辭者

賜新除依前中大夫守尚書左丞王存辭免恩命不允詔

元祐

三年四月七日

勅王存卿學足以經邦才足以應務更練愈久開益居多以積日而稍遷顧念言之咸允國之常典何以辭爲

賜新除中大夫守尚書右丞胡宗愈辭免恩命不允詔

元祐三年

四月七日

勅宗愈卿昔在諫垣首開正論出入滋久操守不同雅望在人既

非一日之積廢試而用亦自羣言之公往祗厥官毋替朕命

賜新除依前中散大夫充樞密直學士簽書樞密院事趙瞻

辭免恩命不允詔

元祐三年四月七日

勅趙瞻朕惟本兵之地司命吾民矧羌戎叛服之無常實邊鄙安危之未決豈以此柄輕授其人以卿望重縉紳學兼文武歷試而用衆言允諧往踐厥官勿違朕命

賜新除門下侍郎孫固辭

免恩命不允詔元祐三年四月八日

勅孫固朕惟三朝老臣義同休戚先帝舊學存者幾人意其風采之聳聞可使朝廷之增重矧卿德望素著寄任已隆昔冠西樞今貳東省衆以爲允義無足辭

東坡集卷三十七 赦文

毛

賜新除試御史中丞孫覺辭免恩命不允詔

元祐三年四月八日

勅孫覺卿三居諫省皆以直聞蓋嘗遇事以建言志在行義以達道擢爲執法實允僉言以卿直諫多聞而朕開納不諱固無觀望難言之病豈有喪失各節之憂哉載闕來章甚非所望

賜新除右光祿大夫依前知樞密院事安燾辭恩命不允詔

元祐三年四月八日

勅安燾卿謀國之重歷年于茲紀綱修明中外寧輯夫圖任共政所憂者大則久勞遷秩亦理之常雖固執於摛謙恐難回於成命往服休寵以彰眷懷



賜新除中大夫守尚書右丞胡宗愈辭免恩命不允詔

元祐三年

四月十日

勅宗愈卿更涉夷險踐敷中外出奉使指而民宜之入治天官而吏畏之非獨能言者也書不云乎敷奏以言明試以功朕得之矣卿其勿辭

賜新除依前中散大夫充樞密直學士簽書樞密院事趙瞻

辭免恩命不允詔

元祐三年四月十日

勅趙瞻朕之進人可謂難矣自非耆老久次恟惛無華則樞機之任不以輕授卿之自視何愧於斯祇服厥官思所以稱而已

東坡集卷三十七 敕文

三

賜新除翰林學士朝請大夫知制誥許將赴闕詔

元祐三年四月

十一月十日

勅許將卿敏而好學達於從政出殿方國則修儒術以飾吏事入備顧問則酌民言以廣上聽待命北門號稱內相雖於卿爲舊物實當今之高選亟踐厥職佇聞嘉猷

賜新除司空同平章軍國事呂公著辭免冊禮許詔

元祐三年四月

十一月十三日

勅公著多儀以隆輔弼國之彛典自損以信君父卿之美志再閱誠言之請益彰謙德之光勉徇所陳不忘嘉歎

賜正議大夫知樞密院事安燾辭免遷官恩命允詔

元祐三年四月

十五日

勅安燾卿國之雋輔位冠樞庭以時褒陞豈待功闕而能力辭寵命欲以身率羣臣使廉耻相先名器益重勉從來請以篤此風

賜新除中大夫守尚書右丞胡宗愈辭免恩命不允詔

元祐三年

四月十五日

勅宗愈朕之用卿益聽其言考其行事參之公議而斷自朕心可謂審矣而卿固辭不已朕甚惑之夫小人以位爲寵求之而不可得君子以寵爲憂推之而莫能去自古以然卿何疑哉

東坡集卷三十七

赦文

三

賜新除司空同平章軍國事呂公著辭免冊禮允詔

元祐三年四月

十五日

勅公著冊祝於廟惟周之典臨朝親拜亦漢之舊事大則禮重禮重則樂備古之道也今卿遜避不居自處以約勉從所乞以成其美

賜許將辭免恩命不允詔

元祐三年四月十八日

勅許將進以經術當告我以安危來自西南固知民之利病渴聞讜論少副虛懷而乃退托無能力辭舊物旣非所望其可曲從

賜河西軍節度使西蕃邈川首領阿里骨進奉回詔

元祐三年四月



勅阿里骨惟爾祖先世篤忠孝本與夏賊日尋干戈亦惟恃我朝  
廷爵秩之隆用能保爾子孫黎民之衆肆朕命爾嗣長乃師而承  
襲以來強酋外擅爾弗能禁恣其所爲遂據洮城以犯王畧陰連  
夏賊約日盜邊朕愍屬羗之無辜出偏師而問罪元惡俘獲餘黨  
散亡山後底平河南綏服朕惟率酋豪而捍疆場乃爾世功叛君  
父而從仇讐豈其本意庶能改過未忍加兵果因物以貢誠願洗  
心而效順爾旣知悔朕復何求已指揮熙河路更不出兵及除已  
招納到部族外住罷招納依舊許般次往來買賣及上京進奉爾  
宜約束種類共保邊陲期寵祿於有終知大恩之難再勿使來款  
復爲虛言

賜新除依前朝散大夫守尚書吏部侍郎充龍圖閣待制傅

堯俞辭免恩命不允詔

元祐三年五月二十三日

勅堯俞夙望所在舊疾旣平及茲言還慰我虛佇徒得君重雖覽  
屈於淮陽雅意本朝寧久安於馮翊復來自便殊旻所期往修厥  
官務稱朕命

賜守尚書右丞胡宗愈乞除閑慢差遣不允詔

元祐三年五月二十七日

勅宗愈朕開獎言路通來下情雖許風聞猶當核實豈以無根之

語輕撻輔政之臣朕方馭衆以寬退人以禮加之美職付以大邦  
朕既無負於聽言卿亦何嫌而避位祗服乃事母自爲疑

賜尚書右僕射兼中書侍郎范純仁生日詔

元祐三年六月九日

勅純仁卿河嶽之靈神明所相載更誕日永介壽祺體我眷懷受  
茲寵錫

賜正議大夫守門下侍郎孫固生日詔

元祐三年六月二十三日

勅孫固卿圖任之舊縉紳所推難老之祥神人攸相載更良日益  
永壽祺申以寵章式隆眷遇

賜正議大夫知樞密院事安壽生日詔

元祐三年六月二十三日

東坡集卷三十七 赦文

三

勅安壽桑弧告慶降哲輔於茲辰綵服拜嘉冠榮名於當代祗服  
朕命益壽乃親

賜龍圖閣學士河東路經畧使兼知太原府曾布乞除一閑

慢州郡不允詔

元祐三年七月二十一日

勅曾布將不久任難以責成謀不素定難以應猝卿屢試劇郡所  
臨有聲而況二年于茲諸將所服事既卽敘人誰易卿夫擣虛攻  
瑕兵家常勢知難避整夷狄亦然卿若有以待之彼將望而去矣  
勉卒乃事毋忘朕言

賜河西軍節度使西蕃邈川首領阿里骨進奉圖程詔

元祐三年



勅阿里骨卿屢欵塞垣願終臣節爰因貢篚益著誠心再省忠勤良深嘉歎

賜皇叔改封徐王顯上表辭免冊禮允詔二首元祐三年八月二十日

勅顯卿大雅不羣自得詩書之富為善最樂不知軒冕之榮既殿大邦宜膺盛禮而抑損之志逡巡不居雖莫稱朕所以極褒崇之心而將使卿庶幾獲謙冲之福勉從其意嘉歎不忘

元祐三年八月二十日

勅顯錫山土田以昭令德備物典冊益有常儀而卿深懼滿盈過

東坡集卷三十七 赦又

三

形抑畏一謙四益當克永年三命滋恭固將有後曲成美志以勸事君

賜知渭州劉昌祚進奉興龍節銀詔元祐三年十一月六日

勅昌祚卿禦侮邊庭馳神魏闕會嘉辰之獻壽納貢篚以致珍載省忠勤不忘褒歎

賜秦寧軍節度觀察留後知相州李珣進奉賀冬馬一匹詔

元祐三年閏十二月十八日

勅李珣卿宣化近邦馳神北闕屬茲陽月之吉遠效王閑之良言

念忠勤不忘嘉歎

賜中大夫守尚書左丞王存生日詔

元祐四年正月四日

勅王存在易之泰與物皆春於時良臣生我王國宜膺寵養以介壽祺

賜龍圖閣直學士正議大夫權知開封府呂公著上表陳乞

致仕不允詔二首

元祐四年正月五日

勅公著朕鷄鳴而起志於求助飴背之老未敢卽安矧卿體力不衰髮齒猶壯遠有引年之請殊垂圖篤之心宜安厥官以稱朕意

勅呂公著卿將相三世凜乎正始之風出入四朝蔚然難老之狀

東坡集卷三十七 赦文

三

浩穰之治談笑而成方觀報政之能遽有歸休之請公議未可卿其少安

賜濟陽郡王曹佺在朝假將百日特與寬假將理詔

元祐四年正月

十一日

勅曹佺卿賢戚莫二德齒並隆眷言朝請之勤思見儀刑之老謝病旣久軫念良深推予賜告之恩期於勿藥之喜

賜光祿大夫守吏部尚書兼侍讀蘇頌上表乞致仕不允詔

二首

元祐四年正月十三日

勅蘇頌吾聞有志之士以身殉道而遺各有道之君使人樂用而



忘老今卿不安其位豈吾有愧於古哉夫難進之士年僅及而輒退則已試之才吾莫得而盡用矣激揚多士方資崔毛之德講誦舊聞未卒褚馬之業事非小補卿其少安

二

勅蘇頌卿歷事四朝允有一德徒論徐公之奢儉莫見子文之愠喜朕既寤寐哲士體貌元臣方貴德齒之達尊豈求筋力之常禮矧卿方膺難老之錫宜勵益壯之心惜日有爲古人所重引年求去公議未安勉爲朕留以慰人望

賜光祿大夫守吏部尚書兼侍讀蘇頌上第二表陳乞致仕

東坡集卷三十七 散文

三

不允詔二首

元祐四年  
二月二日

勅蘇頌夫天以多士寧王國而祖宗以成德遺後人方使壽考康疆以究其用而朕乃以引年而聽其去可乎矧卿銓綜之精談笑而辨勉思職事以稱朕心

二

勅蘇頌天官之任老成所宜坐執銓衡有山公晚年之故事簿書煩雜獨蕭俛一時之偏詞卿其總攬綱條潤畧苛細委蛇退良以

慰士心

新除權禮部尚書梁燾辭免恩命不允詔

元祐四年  
二月三日

勅梁壽卿出處以義進退以禮昔請補外朕不得已而聽其去今  
茲選用衆以爲宜而恨其晚而卿又固辭豈朕所望成命不易其  
速造朝

賜宣徽南院使充太一宮使馮京乞依職任官例祇赴六參

不允詔

元祐四年六月十四日

勅馮京朕以卿耆老厚德重煩以庶事而卿篤恭盡禮自同於有  
司旣朝朔望尚復勤請雖抑抑自警知卿有衛武之風而僕僕亟  
拜非朕待子思之意宜遵前命以副眷懷

賜石正議大夫守尚書左僕射呂大防生日詔

元祐四年六月十五日

東坡集卷三十七 赦文

三五

勅大防股肱之良與國爲重家庭之慶亦朕所同適斯千獻慶之  
辰均旣醉太平之福膺予寵錫介爾壽祺

賜翰林學士中大夫兼侍讀趙彥若辭免國史修撰不允詔

元祐四年六月二十三日

勅彥若卿學世其家宜居載筆之地官宿其業已奏殺青之書自  
託不能殊非所望祇膺成命毋復固辭

賜河東節度使太師開府儀同三司太原尹致仕文彥博溫

溪心馬詔

元祐四年七月二日

勅彥博惟我宗臣名震夷落狼心馱舌知獻厥誠朕以張奐拒羗



之獻不如旅葵昭德之致已勅邊吏荅賜所直其馬今以賜卿至可領也

賜夏國主進奉賀坤成節回詔

元祐四年七月二十二日

勅節紀誕彌慶均臨照眷守邦之雖遠亦執贄以同嘉嘉與朝臣咸稱壽聿載惟忠恪宜有寵頒

賜皇伯祖宗晟辭免恩命起復允終喪制詔二首

勅宗晟朕寤寐雋賢爰和中外眷言釋位之久實有乏才之憂而三年未終五詔不起與其貪明哲之美以緝熙庶工不若執孝弟之純以風勵宗子俛從誠守良極歎咨

東坡集卷三十七 赦文

三

二

勅宗晟夫哀麻之哀達於上下損益之變權以重輕雖事君均於事親而奪志難於奪帥俛聽終喪之守以成致孝之全言念篤誠實增屢歎

賜新授樞密直學士趙高進奉謝恩馬詔

勅趙高論德進律天下之公議因物見誠臣子之雅志爰陳駟馬以效驅馳體乃至懷極於嘉歎

賜新除龍圖閣學士依前中散大夫陳安石辭免恩命不允

詔

勅安石夫士出身從仕少壯陳力耆老守節朕必有以寵綏之宜  
卿逮事四朝別歷中外號稱良能不見過失書閣之拜衆以爲無  
復固辭以遂成命

東坡集卷三七

赦文

三七七



